

**PETRI POMERANI
CASLETENSIS DE
STUDIIS SAPIENTIAE
LIBER. AD F.
FERDINANDUM...**

Petrus Pomeranus



PETRI P. P.

PAULI G. G.

DE S. S. S.

1888

AND F. F. F.

W. W. W.

THE S. S. S.

LOUISIANA.



NEW ORLEANS, LA.

THE S. S. S.

A. D. D.

PETRVS PO

MERANVS ALPHONSO

AVALO OPTIMO AC FELI-

CISSIMO PRINCIPI.

S . P . D .

Bene habet. Constat hodie mihi diligen-
tiæ perpetuæ meæ fructus certè amplif-
simis : nam & ego ea prorsus refutabo, quæ
improbi quidam, ore illoto suo, nephariè in
me confingunt : & tu ad quæ studia, filius tu-
us dudum sese applicuerit, cognosces quidem
ac intelliges . Maacte igitur animo . A L-
P H O N S E A V A L E, serua morem vsitatum
tuum, & de vetere erga me affectione, nihil
adhuc depone . Tu absentes nos aduersus
imperitos quosdam fortiter subinde defendisti:
nunc vero suscipitur ista a me dimicatio, vt
cognoscant aliquando, æqui atque iniqui,
te quoties testimonio luculento aliquo, indu-
striam meam ornauisti, néque tua lapsus cu-
piditate, néque aliorum errore in fraudem es-

A ii

se impulsus. Atque hac sanè in parte, aut
ita vita ipsa plane mihi acerba, aut discent
mei illi calumniatores, quanto facerent pru-
dentius, si iuuenem innocentem, consilium ho-
nestissimum suum, persequi sinerent ac tueri.
Non ego illud iam laboro, ut editione libro-
rum euolem subito ad hominum famam: si-
mile enim audere, & meus me pudor vetat,
& prohibet ingenii pusilli conscientia. Verum
cum plerique adeo sint inhumani, ut me hac
ætate, his studiis, hoc vitæ cursu, hac animi
æquabilitate, pungant tamen ac mordeant,
equidem non illos a me offendi, sed exan-
gues eorum obiectiones dissolui cupio atque
infringi. Omitto cætera, dico istud tantum
mihi ocium, filio vtilitatem, tibi autem æteri-
nam pepereris gloriam, si iusseris æstuantibus
illis ac iratis, ut colligant se, ut mitigent suos
animos, ut desinant aspectu toruo suo formi-
dinem mihi iniicere. Ecce præsto est disci-
pulus, & videtur sensu tacito quodam signifi-
care, ut dicere aliquid incipiam. Ordior
igitur ad hunc modum.

DE TVDIIIS SAPIENTIE LIBER.

REFERENDUM ESSE. OMNIUM
-ITQ. NIA AD ALIQUEM HUIUS
-HIC MOTUS FINEM. Causa de huius
-ITQ. NIA AD ALIQUEM HUIUS

IN actionibus humanis. **F**ERDINANDUS
AVARE, & in omni vita mortalium, sane
non est alia res utilior, quam ut iis studiis quæ
quotidie a nobis exercentur, finem certum
aliquem constituamus. Cum præmia ampla
quædam ac lauta proposita Vlyssi essent, si
vellet apud Phæaces omnem degere æta-
tem, nihil is commotus, solam Ithacam ani-
mo semper intuebatur. Non potuit Di-
do, vel specie corporis, vel imperii ma-
gnitudine, Aeneam ita delinire, ut Itali-
am negligeret. Legimus fuisse in more
olim Cassio iudici, ut si aliquis de perpe-
trato scelere obscurius apud eum accusa-
batur, rogaret subito. Oculi non o-
ccasionem dedit satyræ, qui coruos testa se-
quitur ac luto. In summa, an non doctissimus
Aristoteles subinde etiam argumentatur;

Unnem scientiam finem aliquem expetere?
Hæc cum sint exploratissima, equidem pri-
usquam ad literaturam hanc politio-
rem animum tuum traducas, necesse est providere
te etiam atque etiam, ecquid illud sit quod
quaris, quale sit, quam egregium sit, quan-
tum viæ conficere omnino debeas, antequam
cessare possis, & suscepta à cura, aliquam
habere vacationem.

SAPIENTIAM, FINEM ESSE
COMMVNIVM STUDIO-
RVM. Ca. II.

IN studiis literarum, turpissima est mediocri-
tas, & debent homines ingenui odisse pror-
sus quotidiana illa ac vulgaria: quare tu cum
loco amplissimo sis natus, adhibenda est dili-
gentia, vt sensus tuos ad maxima quæq; tol-
las atq; excites. Hoc rhetores fecere, hoc poe-
tæ, hoc grammatici: hanc fiduciam puto ego
concepisse olim omnes penè eos, quorum ex-
cellentem virtutem laudamus hodie ac mi-
ramur

ramur. Cæterum quid potest mens humana
vel altius optare vel illustrius, quam ut or-
nata sit omni SAPIENTIAE genere? Con-
stat Platonem philosophum difficillimis rei-
publicæ temporibus, profectum in Aegip-
tum esse, ut a sacerdotibus Memphyticis SAPIENTIAM disceret: tetigit similis cura
Speusippum, Euripidem, Pythagoram: ego
quoque cur exul domo, cur extorris patria,
cur longè a meorum omnium complexu,
hanc mihi vitam depoposci, nisi ut trade-
rem me SAPIENTIAE studiis? Tu igitur
eundem tibi finem proponito, nullam faci-
ens discendi intermissionem, quoad hoc de-
curlo spatio, omnem SAPIENTIAM per-
fectè calleas. Nosti versiculos Horatii.

Ad summum SAPIENS vno minor est Io-
ue, diues,

Liber, honoratus, pulcher, rex denique
regum.

Præcipue sanus, nisi cum pituita molesta est.

A. iiii

NIHIL DIFFERRE SAPI-
 ENTIAM A PHILOSOP-
 HIA Ca. III.

Qui hodie dicuntur philosophi, eosdem
 maiores nostri SAPIENTES appellabant.

Variandi nominis author fuit Pythagoras: is
 enim cum videret inflatum esse SAPIEN-
 TIAE titulum, & non carere cum animi arro-
 gantis significatione, existimavit debere vi-
 rum prudentem simili à fucò quàm maxime
 esse alienum: itaque facultatem hanc, non SA-
 PIENTIAM nuncupavit, sed SAPIEN-
 TIAE amorem. Vtinam nos hodie eandem
 servaremus æquitatem, sane non iactarent se
 titulis tam ambitiosis, vilissimæ quædam si-
 miæ. Videmus iam affluere loca omnia do-
 ctoribus ac magistris, quibus si eruditionem
 detraho & ingenii præstantis laudem, dii
 boni, quas ibi turbas cient, quæ intendunt
 pericula, quas minas anhelant. Certè malunt
 ipsi quævis deserere vadimonia, quàm os
 importunum suum atque impudens.

DE STUDIIS SAPIENTIAE LIBER.

A QUIBUS INVENTA
SIT SAPIENTIA.

Ca. II. III.

SAPIENTIA, non humanum est inuentum,
sed tradidere eam orbi terræ, dii immorta-
les. Quandoquidem animi nostri his im-
mersi corporibus, degenerarent subito à ve-
tere nobilitate, & abirent foedissimam in
naturam, nisi SAPIENTIAE ope niteren-
tur. Primi igitur homines, quibus munus cæ-
leste hoc concessum est, apud Assyrios Chal-
dæi extitere, apud Indos Gymnosophistæ,
Druidæ apud Gallos, apud Græcos Musæ-
us, Linus, Orpheus. Hos longo interposito
tempore, sequuti demum sunt, Thales, Ana-
ximander, Anaxagoras, qui quanquam
erant præceptis SAPIENTIAE leuiter solum
tincti, ex eâ tamen facultate, nomen amplis-
simum retulerunt. Tandem verò diuinus il-
le Socrâtes, ipsa hæc studia deducta cælo,
ostensa generi mortalium, tractata ante &

B

Alta a paucis, toti penè Graciæ prostitu-
it. Ita habet. Quæ laudabilia sunt, ac pri-
mæ omnino notæ, ea exiguo orta princi-
pio, adolefcunt sensim, & per tardos quos-
dam progressus, vix tandem iustam ad ma-
gnitudinem euadunt. Nempe cui obscura
est sententia vulgata illa. NULLAM AR-
TEM VNO AB AVTORE ET IN-
VENTAM ESSE ET PERFECTAM?
Quis nescit prodidisse olim. M. Varronem
à scientiis inchoatis, ad scientias absolutas;
sexcentos propè annos intercessisse?

QVID SIT SAPIEN-
TIA. Ca. v.

SAPIENTIA cognitio est diuinarum atque
humanarum rerum, sic definiere Stoici
eam, teste Plutarcho. SAPIENTEM ve-
rò seu philosophum eum appellat M. An-
tonius, qui studet naturæ totius vim, effe-
cta, causâsque nosse, & omnem bene vi-
uendi rationem tenere ac persequi. Hæc
cum

DE STVDIIS SAPIENTIAE LIBER.

cum adeò sint comperta, vt negari a nemine possint, me ama, quàm agunt illi inclementer, qui SAPIENTIAM de sua deturbantes possessione, ita eam spoliant, ac exhauriunt, vt velint ipsi de patrimonio amplissimo suo, nihil fieri reliquum, præter cauillosa nescio quæ, ex Aristotelis *Metaphysicis*. Sanè ausim iurare ego, tales homines néque siccos esse néque sanos: & deberet vel edicto prætoris, vel actione aliqua recuperatoria, importunitas eorum coherceri.

QVO PACTO DIVIDATUR SAPIENTIA. Ca. VI.

SAPIENTIA, authore Simplicio, aut Speculatrix est, aut dicitur operaria. Complectitur SAPIENTIA Speculatrix, partes quatuor. Logicen, Physicen, Mathematicen, Theologiam. Operaria autem tres continet scientias, Ethicen, Oeconomicon. Po-

B ii

liticen. Hæc si voles paulò exprimere or-
natus, refer te ad sermonem luculentum il-
lum M. Ciceronis, is enim L. Crassum, iis-
dem de rebus, copiosissimè facit disputan-
tem. Soleo ego, venerari subinde optimæ
naturæ, mirabilem erga nos propensio-
nem: illa enim cum hominibus ea cumulatè
tribuisset, quibus possent hanc vitam sine
aliqua exigere offensione, præstitit mox, vt
animi nostri soluti, incitati, acres, vacui for-
dida à cogitatione, extrà corporeum hoc
domicilium longissimè peregrinati, ad men-
tem diuinam, facilem haberent aditum.
Felices animæ, quibus hæc cognoscere tan-
tum.

Inq; domos superas scandere, cura
fuit.

QVID SIT LOGI-

CE. Ca. VII.

Logicen, plerique è recentioribus Sermo-
cinalem traduxere, duriusculè id quidem,
E U & pa-

& parum fortasse populariter, idoneo tamen vocabulo, atque a quo ego, prima ab adolescentia, minime fui abhorrens: cur enim pudeat ea vti dictione, quam scriptores assidui aliquot ac locupletes, extare suis in libris voluerunt? Comprehendit Logice artes tres: Grammaticen, Dialecticen, Rhetoricen. Facit Grammaticen, ut quaecunque eloquimur, recta sint ac sine vitio. Dialecticen, ut sint probabilia. Rhetoricen, ut dignitatem habeant & copiam. Hodie multos videbis literatores, quibus si dixeris, prima loquendi rudimenta, partem esse Logices, soluentur in cachinnum, & te oculis abditis suis, quasi imperitum e doctorum hominum familia exturbabunt: sed tu, permitte illos sua frui infamia.

QVID SIT PHYSC.

Ca. VIII.

Dicta est Physice, à natura: versatur enim circa insitas earum rerum motiones, quas

B iii

apparent sensibus. Nulla scientia néque prolixior est, néque è materia tam dissimili coagmentata : & arbitror ego hoc ipsum esse in causa, quamobrem Aristoteles à priscis illis hominibus *Δαιμόνιος* sit vocatus : nemo enim præcepta naturalia vel certius tradidit vel accuratius . Duplex est Physice : vna, quæ ostendit qua lege & generentur, & intereant, corpora hæc densiora : altera, quæ docet rationem, causam, vicissitudinem, conuersionem cœli atque astrorum omnium. Deslendum est, hodierno die paucissimos reperiri, qui se ad hæc adiungunt studia, cum nulla sit doctrina elegantior, iucundior, utilior . Olim certè & poetæ istam tractabant materiam, & erat familiaris omnibus propè eruditis, nunc autem in scholis atque in exedris vix quatuor inuenias pannosos, qui rerum naturalium vestigationem suscepere.

QV ID

Mathematicæ, ipsius Physicæ imitatrix est
Atque emula, adeo ut ritè asseueratum à
Platone sit, posse scientiam hanc, pluraque
efficere opera, cognata quidem & affinia
iis, quæ edit natura: hinc tripodes vulca-
nii, hinc statuæ mercuriales, hinc columba
ligna Architæ, hinc res prodigiosæ illæ,
quas accepimus fecisse olim, Seuerinum
Boethium. Vult Anatolius accepisse no-
men Mathematicen, a discendo: ea enim
cum incredibilem habeat obscuritatem, eget
certè doctore aliquo ac lumine. Subiece-
re ipsi authores græci, partes quatuor. Geo-
metriam, Arithmeticen, Astronomiam,
Musicen. Explicat Geometria, magnitu-
dines orbis huiusce inferioris. Arithmetice,
numeros. Astronomia, dimensiones cæ-
lestes, Musica, rationem enharmonicam,
& concordantiam quandam vocum. Addi-

dere Opticen etiam Apollonius ac Vitellius: sed miror ego eosdem illos, de audiendi facilitate, posteris nihil reliquisse: cum perspicuum sit Aristotelem suis in problematis, frequenter de ea differere.

QVÆ SIT THEOLOGIA.

Theologia, eadem est cum Metaphysice: docet autem Metaphysice, quid sit deus, quid intelligentia, quid animus humanus, quæ sacra fieri ab hominibus debeant, quæ religiones gratæ sint diis immortalibus, quibus ceremoniis elicere possimus æterni numinis benevolentiam ac amorem. Huius disciplinæ vix tenue atque exile quoddam simulachrum expressit olim Aristoteles. Plato verò multis eam commentariis tradidit, & obtrivit, simili industria, ut deus summa omnium voluntate appellaretur. Ecce tibi habes nunc SAPIENTIAM

omnem

DE STVDIIS SAPIENTIE LIBER.

omnem speculatricem : recensui hætenus
officia eius ac partes . Tu puer charissime,
ita animum inducito, nunquam te ad **VERI**
cognitionem euasurum, nisi his artibus ve-
stigatis prius & auditis . Longum meher-
cule ac difficile est quod aggredimur, ve-
rùm si procul omnem eiecerimus molli-
tem, feremus aliquando nostra certè optata.
Persona tua literas triuales illas non sus-
cipit.

DE SAPIENTIA OPERA-
TRICE. Ca. XI.

Q Vælitis **VERI** differentiis, & lustrato iam
naturæ totius opificio, conferes te eam
ad curam, vt possis illud etiam assequi,
quid bonum sit, quid malum, quid æquum,
quid iniquum, quid cum honesto conspi-
ret, quæ res turpitudinem habeat ac infä-

dit, & abundanter, quid expetere debeamus, quid fugere: quibus legibus constituenda sit domus, quid adiuuet mortalium vitam, quæ incommoda societatem humanam dissoluant ac labefactent. Disciplinam hanc moralem, docui abire ego, tres in partes, quarum vna, solum instrueret hominem: altera, familiam: tertia ciuitatem & rempublicam. Ista omnia si animo hodie es complexus, quid nobis vel lautius est vel beatius? Restat illud solum, vt tu quasi aliqua e specula obserues quidem ac prospicias, quantum iter sis ingressus, quam longam susceperis profectionem, quot laboribus ingenium tuum exercere debeas ac subigere, si voles SAPIENTIAE opinione clarus esse atque excellens. Non sunt eruditi illi, qui pallium habent & supercilium, qui rixantur in Scholis, qui tanquam ranae quædam stoicæ, in circulis, in foro, in conuiuiis, odiosa & profluente sua loquacitate, omnibus sunt molesti, sed iudicabis tu miles

DE STVDIIS SAPIENTIÆ LIBER.

miles homines, ludibria esse populi, hostes salutis communis, procellas ocii ac iucundissimæ tranquillitatis.

EPILOGVS OMNIVM SAPIENTIÆ PARTIVM.

Ca. XII.

ILle verò qui sibi Philosophi appellatio-
nem vindicabit ac sumet, habebit omnia
ea quæ sita, lecta, tractata, quæ grammatici,
dialectici, rhetores, quæ Physici & Ma-
thematici, quæ historici ac magistri vitæ
in infinitis docuere voluminibus. Deus, spi-
ritus ætherei, anima, sol, Zodiacus, & cu-
ius ambitu terra latè includitur cœlum, ad-
hæc elementa, plantæ, lapides, animalia,
quicquid iacet in terræ visceribus, quicquid
in aere apparet & in sublimi, postremò
virtutes, vitia, forma imperii, ratio dome-
stica, sanè cuncta ista percepta is & notata

PETRI POMERANI CASLETEN. G

ens, aut vocari.

REFUTATIO EORVM, QVA

CONTRA SOLENT OBII-

CI. Ca. XIII.

Non sum nescius, quosdam hac in repu-
blica, illud ferre acerbissime, quod te vix
puerum, vix primis idoneum literis,
vix aetate ad decimum prouecta annum,
onerauerim repente disciplinis adeo mul-
tiplicibus. Taceo pædagogos, ac turbam
magistrorum, qui domi apud discipulos, con-
cionibus furiosis suis, iniquè me exagitant.
Prætereo calamistratos istos & vniuentis
dehributos, qui dum helluantur, dum lu-
dos faciunt, dum hilaritatibus & commes-
sationibus spurcissimis dant operam, diu im-
mortales, quàm crudeliter meam oppu-
gnant famam? Venio ad illa quæ propius
mihi sunt nota: ego, quoties te etiam au-
diente, hac oratione sum reprehensus? Quid
agis

DE STUDIIS SAPIENTIE LIBER.

agis Pomperane, cur puerum hunc is perditum? cur peruerse eum instituis? cur doceas ipsum grandia illa, & quae ingenii vnus angustiae, minime possunt capere? Cur relinquis epistolas Ouidii, praecepta moralia Catonis, regulas Guarini? cur non ista potius tuo inculcas discipulo, quam Ciceronem, Fabium, Platonem? Cur nullo more, nullo exemplo, nulla hominum consensione, nouum docendi ius introduxisti? Non credis tu summam esse impudentiam, excedere ea e via, quam tenent vniuersi, & nolle maiorum ire itineribus? Hoc sermone cum viderem omnia quotidie impleri, sane adductus essem magnam in dubitationem, & mutauissem sententiam, nisi cognouissem eum ordinem quem ego studiis tuis descripseram, cum natura ac rebus ipsis, mirabilem habere cognationem. Itaque non acquieui ego illorum monitis, sed reclamaui voce altissima; non habuere

rum, pugnacem, refractariolum? Cur enim paucorum sequutus libidinem, dederem me similem in nexum? cur tales mihi frenos iniicerem? cur parerem ebriorum potius & bacchantium somniis, quam consiliis prudentum? Efferaut ipsi ac ostendent se egregio suo instituto, dicant exiisse me de potestate, volitent tota vrbe distenti ac farti, ego vsuram vitæ prius certè amittam, quàm hanc abiiciam cogitationem. Nunquid Aristoteles his artibus Alexandrum suum expoliuit? Nunquid Cicero, suum illum oratorem, scientiis omnibus cumulatum esse & instructum voluit? Nunquid Fabius ætati teneræ, Musicen tradit ac Geometriam? Nunquid Possidonius, Galenus. Eustratius hoc docendi artificium constanter olim tenuere? Quam igitur frontem, aut quod os illi adferunt furciferi, qui me contempta veterum disciplina, noua quadam atque inusitata facere vociferantur? Veniet credo aliquis e barbatis istis & horridis, is
puerum

DE STUDIIS SAPIENTIE LIBER.

puerum in suam abstractum carnificinam
sic erudiet. Litera est pars minima vocis.

Hic ego tuum exquiro iudicium, quod
emolumentum capiet puer hac è definitio-
ne, si ignorat ipsius vocis naturam ac origi-
nem? Infinita sunt quæ possum dicere, &
habeo campum amplissimum, ubi meas pro-
bem rationes, sed erit tempus, cum in mo-
rosos illos & omnia fastidientes multò in-
uadam effrenatius. TU FRANCISCE

FERDINANDE AVALE, arripe iam
atque amplectere literas has suauiores, con-
tine te in tuis perennibus studiis, vrge, in-

sta, preme, non somnus, non vita lauti-
or aliqua ac solutior, non rei ip-

sus magnitudo animum tu-

um hac a contentio-

ne abducatur.

F I N I S.



